

دائرة مخصوصه

درسعادتده باب عالی جوارنده

محل اداره :

مشرط القیم

اخطار :

مسکمزده موافق آثار جدیده مع المنوبه
قبول اورنور

درج ایدله بن آثار اعاده اولانور

دیده، فلسفه، علوم، حقوق، ادبیاتده و سیاسیانده و بالخاصه کرم سیاسی و کرم اجتماعی و مدنی احوال و مشوره اسلامیه و بحث ایدر و هفته ده بر نشر ایدر.

آبونه بدلی

سنه لکی التي آیلنی

مالک عثمانیه ایچون	۸۰	۴۰	غروش
روسیه	»	۶۰	روبله
سائر ممالک اجنبیه	»	۱۷	قرانق

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

درد لرمنی تعداده امکان یوق... اویانهلم، خوجه افندیلر، اویانهلم.
دشمنلرمنك حقمنزده بسله دكری فکریلری کورهلم ده اوکا کوره انتباه ایدلم.
« مابعدی کلهجك هفته »



ارواح وارده :

غرائق مسئلهسی

صراط مستقیم اداره خانه سنه :

دوقتور دوزی نك تاریخ اسلامیتنه قارشو یازیلان ردیه لر دن
نه قدر شایسته شکران ایسه کر ؛ وظیفه اعتباریله او قدرده تحفظیه
جدیر و مستحق برخط حرکت تعقیب ایدیورسکر .

فضیلتعاب افندیلرم !

بندن دها آبی بیلورسکر . ردیه یازمه نك اصول مرعیه سی
بویله می اولور، حیفة، صحیفه تعقیب ایتك، هانکی یرلر طوغریدر ،
نرلری یا کلهشدر، مفتریات نه لر در بیلدیرمك شرائط ولوازم ردیادن
دکلیدر .

آرتق امنیت حاصل اولمشدرکه [اسلافدن بعضیلرینك تعقیب
ایتدیکی] الجام عوام دینلن اومردود اساس اذهان علمادن طرد
ایدلمشدر ؛ علمای دینم حق و حقیقته خدمت ایده گلدهدر ...

اصل اك بیوك معما اسرار وحیدر .

بومسئله كه معظمات مسائل دینیه مزدن بریدر ، بردفعه بوخل
ایدلمی ، چونكه اهمدر . مهملر صوکره یه براقلمیدر . ایشته
دوزینك کتابنه یازیله حق ردیه بوکی موضوعلره تعلق ایتلمیدر .
دوزی کتابنك مقدماتنه ، اولیاتنه طوغری بریرنده شویله ، یعنی
شو زمینده دییور : [سورئ والنجم] آخرنده شو آیت ده وارددر
فقط قرآنه درج ایدلمه مشدر . علمای اسلامیه بونی شیطان سویلیدی
دیهرک ایشك ایچندن چیقمشیلردر وعباره مذکوره آیت محذوفه
[تلك الغرائق العلی فان شفاعتن لترجی . فاسجد والله واعبدوا .]
شکلندهدر ؛ که [أفرأیتم اللات والعزی و منات الثالثة الاخری]
آیت جایله می عقبنده وارد اولمشدر .

بعض تفاسیره مراجعت ایتدم . فقط تشفیة صدره کافی دکل .
کیمی شیطان ، کیمی شیاطین انس سویلیدی ، دییور .. کیمی افترای
محض در ، رسول اللهك لسانندن صدور ایتدیکی کی شیاطین ده تقلید
ایله مشدر ، دییور .. کیمی ذاتاً بومسئله موجوددر تفرعاتنی الله
اعلم ، دییور .

حضرت شیخ الا کبر [وما کان لی علیکم من سلطان] نص فرقایسیله
احتجاجاً اساساً شیطانده بزه قارشو براستطاعت تسلط یوقدر ،
قالسون که وحیه دییور .

شمیدی بر مؤمن نه قدر خالص الاعتقاد بولونسه بو مسئله ده
شبهیه دوشمزمی .

اگر بوسوز ، رسول اللهدن [ص .ع] صدق ایتمشدر ، حقا

دیه کوزلرمن یاشارمش بکله طورورز . کندی وظیفه منری ایضایه
نه جسارتن وار، نه اقتدارمن . صوکراده دینك محافظتی یز دیه افتخار ایدر
طورورز .

بویله وظیفه لرمنی ایضا ایچون ، خوجه افندیلر ، زمان کلهشدر . اگر
بز بوندن صکره ده غفلت ایده جك اولورسه قیقناً بیلکیز که بوصاریق بزم
باشمزدن کیده جکدر . بوکون اجنبیلر بتون اسلامك علیهنده بر سوزده
متفق دورلر : بوراده جزئی بر مسئله اولدینی زمان انسانیت نامه حایه ایده جکر
دیه دونمالر یکدیگری تعقیب ایدر .

روسیه ده سنه لرحه قانلر دوکولدی . نفس پترسبورغده اون ایکی بیک
آدم اتلاف اولوندی . آلمانیا سفیری پنجره سندن شویله باقاردی . بری
طرفدن انکلترونك ده بر سرچی دن فرق یوقدی . انسانیت نامه « یاهو ! نه
یاییورسکر ؟ » دین بر آدم چیقمادی . بوراده جزئی بر بهانه بولورلرسه
انسانیت نامه هان مداخله حاضر . بونلری ده فرق ایده منرسه کز ، خوجه
افندیلر ، صوکراملتک حالی یمانددر .

من القیم علمانك مسلکی غایت کوزل تأسیس اولومشدر : سکر آی
تحصیل ، اوچ آی جر . جر زماننده استانبول مدارسندن ، بروسه مدارسندن
بیکلرحه طلبه علوم کویله دوکولوز . واه زواللی لر ، صوروکز نه ایچون
کیدرلر . آلاچکیز جواب بر ا کک پاره سی ایچونددر . یازیق دکل ، برا کک
پاره سی ایچون کوی کوی کزه رک اهالی قاندرمق . حالبوکه منور کیدرسه
نه لر تعلیم ایتز ، نه لر تشویق ایتز ، نه کبی آدم یتشدیره بیلیم . شریعت
نه در اوکره دیر ، وظیفه نه در بیلدیرر ، معرفت نه در تعلیم ایدر ، اطاعت
نه در ، سلطان نه در ، امامت نه در ایضاح ایدر . هپ کوی آغلرینی دیندن ،
دنیا دن خبردار ایدر . مقام خلافتی بیلیم ، اطاعتی اوکریمین بر آدم قالماز .
فقط مع التأسف بر ا کک پاره سی ایچون کیدرلر . بوندن صوکره ده بویله
کیدرلرسه طلبه لك صرف عسکر دن قوزتولمق ایچون برواسطه دن بشقه برشی
اولماز ، تنبللکدن بشقه بر نتیجه ویرمن . بویله تنبللرک چوغالماسی خدمت
کبی کلپور . فقط مع التأسف بوکیدی شله خدمت دکلددر . دیگر ملتک نصل
چالشدق لرینی کورمک ، نظر دفته آلمق لازمدر . میسونرلر تاجین مملکتلرنده
بوکسک طاغلرده مناسترلر یامشدر ، یالکیز تبلیغات ایله اکتفا ایتوب ، فعلاً
دخی فدا کارلق کوسترییورلر :

— کلکیز ، دییورلر ، آچ ایسه کز ا کک ویرم .

ا کک ویررلر ، خسته لرینی تداوی ایدرلر . اوچ کون ، بش کون ،
برآی قارنخی طویورر . صوکرایاواش یاواش تلفیناته باشلار :

— وجود ایچون ا کک لازم اولدینی کی روح ایچون ده دیانت لازم .
بن بونلری هیچ تعیب ایتم . دینلریه خدمت ایدرلر . دولندن پاره
ایسته مزلر . دیله نه دیله نه پاره طویلارلر ، دینلرینی نشر ایدرلر . عشق اولسون
حریرلره . حالبوکه بزده دینلکه ده حاجت یوق . کویله کیدوب ده محمد اغایه
عشر نه در آ کلاتدیغیز کی چیقاروب ویره جک . زکات نه در ایضاح
ایتدی کیز کی قرق قویونک بریسی ویره جک . پاره سی وارسه یوزده ایکی
بچغنی ویره جک ... شریعت غرامن پلاننی قورمش . اساسنی حاضر لامش .
بز حاضر پیشمشی یه دن امتناع ایدرز . بزمکیسی مذلت ، مسکنت ، بویله قان
آغلایهرق حیاتی سوروکله مک ... قورقارم بو عطالت بزى مزاره سوق
ایتسه کرک . الله محافظه ایلسون ، فقط بوکیدی شله ایشمز یمان . دردمن
بیوک . تداوی من مفقود . هر نره یه باقسه ق ، هر نه یی تدقیق ایتسه ک الم دن ،
کدردن ، حزن دن باشقه برشی حاصل اولماز . هر شیده بر انحطاط ، بر مسکنت
بر قانسیزاق ، بر نفاق و شقاق . یازیق دکل ؟ بزده انسان دکل یز ؟ بزم
اجدادمن نصل آدملر ایش . و قتیله اسلاملر نصل معظم ، نصل شوکتلی
بر ملت ایش . ایچون شمیدی بویله ذلیل اولسون ؟ ایچون شمیدی بویله
دردلی یا شاسون ؟ بویله خسته قالسون ؟ ایچون شمیدی نفاق و شقاق ایله
انقراضه سوروکلسون ، نه ایدی اواسکی سطوت ، نه در بوشمیدیکی ذلت ؟ ..

ونتائجی کمال تجیل ایله قید ایدر . قوجه سیوطی (اللؤلؤ المصنوعه فی الاحادیث الموضوعه) نامی التندہ احادیث موضوعه یی طوبیلا یوب براریه کتیره درک بوامته پک بیوک خدمت لری ایتشدرد . جناب حق غریق لجة رحمت ایلسون . سیوطی نک اخلاقی بوجیغری تعقیب ایتسه لر ایدی بوکون کتب اسلامیه اسرائیلیاتدن وحتی تشویق وترغیب عباداتی تضمین ایدن احادیث موضوعه دن دخی قورتلش اولوردی .

فقط مع التأسف کندیلرینی جریان الفاظه قابدیران وهرهانیکی تفسیرده ، کتابده اولورسه اولسون کوردیکی مطالعه یی مدافعه ایتکی لوازم دینی دن عد ایلان ادوار اخیرده کی علمامز بومهمه یی تقدیر ایچون اعمال فکره بیله لزوم کورما مشلردی .

مع مافیه بو استطراد من (غرائیق مسئله سی) کی هرجهتی حل ایداش مسائل ایچون دکل هنوز حقلرنده شق شفه ایداماش خرافات سائر ایچوندر . صاحب ورقة نک مراجعت ایتدیکي تفسیر لریک هانکیلری اولدیغنی بیلمیورز . فقط الله بولسان کتب تفسیریه مزک اک چوق تدقیقاته مستند بولمانلرنده تفصیلات مکمله موجوددر . ذاتاً معلومات تاریخیه مسئله یی اودرجه لرده تنویر ایتشدرد که بوکون آرتق صو کو توریر هیچ بریری قالمامشدر .

مکده جریانندن بحث ایتدکری وقعه یی متعاقب شرفقزولنی ادعا ایلدکری آیت کریمه نک مدینه اولمی ، پیغمبر افندمزه جماعته نماز قیاهر ق بوسوزلری تلاوت بیوردقلرینه دائر رواتک تعیین ایلدکری زمان ومکانک مبادی اسلامیت بولنق حسیله منکر لر جانبندن کعبه ده جماعته ادای صلاته ممانعت ایدلدیکی بر زمانه مصادف بولمسی بوجاهل غرض کارلر بوجری یلانچیلر مومنک آنحق یانسویه قدر یانه بیله جکینی پک کوزل اثبات ایلشدر . علم تاریخی استخفاف ایدنلر اساس دینه تعلق ایدن برمشکلک آنحق بوسایه ده تنویر ایتدیکینی نظراعتبار وانصافه آلمیدرلر .

بلاغت وفصاحتدن عاری ، قرآن اولمادیغنه کنیدیسی اک بیوک شاهد اولان بومصنع عباردرلرک مختصر لری الفاظنده بیله اتحاد ایدمه مامشدر . طوبیلا یه بیلدیکمز اشکال شونلردر :

- ۱ — تلك الغرائق العلی وان شفاعتهن لترتبی
- ۲ — ان شفاعتهن ترتبی
- ۳ — وان شفاعتهن لترتبی وانها لمع الغرائق العلی
- ۴ — تلك الغرائق العلی منها الشفاعة ترتبی
- ۵ — وانهن لهن الغرائق العلی وان شفاعتهن لهن الی الی لترتبی
- ۶ — تلك الغرائق العلی وشفاعتهن تراضی ومثلهن لایسی
- ۷ — تلك اذن فی الغرائق العلی تلك اذن شفاعة ترتبی
- ۸ — تلك الغرائق العلی وان شفاعتهن ترتبی

هرهانیکی شکلی اولورسه اولسون هیچ برنده کلمات و آیات قرآنیه ده کی فصاحت وبلاغت واعجاز کورلر . فیض علم ایله مستفیض اذهان متفکره شویله طورسون آرتق چوق سلیقه عربیه واقف ذوق

[تلك الغرائق العلی ...] دخی آیات قرآنیه دن معدوددر ، دیسه کفر صریح .

اگر شیطان و شیطانی انس تقلید صوت رسول ایتشدرد ، دیسه بردفعه عقله توافق ایتیه جکی میدانده . نقله مراجعت ایدیم دیسه حضرت محی الدینک بالاده عرض ایتدیکم احتجاجی کوزه چاربه جفندن طولای بونک نه عقلاً ونه ده نقلاً شیطاندن صدورینه جواز امکانی کوره میه جک . اگر زناده وضع ایتدی دیه جک اولسه عنعنه مفسرینه وبالنتیجه [ان الطرق اذا کثرت وتباينت دل علی ان لها اصلاً] قاعده اصولیه سنه مغایر . بناء علیه ایقان ایمان توکنه جک . جواب علنیسی کوره لم افندیلرم .

سلانیک مکتب حقوق طلبه سندن

اسکوبلی ایوب صبری

صراط مستقیم

بر زمانلر هر سوزی کوری کورینه قبولده اصرار ایدن شرفقه کی متعصب لره صحتی اثبات ایدمه جکزدیه وسیله قیل وقال اولان وشمیدی ده برطاقم اجنبی غرض کارلرجه ورد زبان اتخاذ اولنهرق ایکیده برده تمجید پلاوی کی ایصیدیلوب اورته یه قونیلان شومسئله کتب اسلامیه مزده (غرائیق مسئله سی) دیه معروفدر .

وقوف واحاطه لری مسلم عالم اولان اعظم علم مز بومسئله یی اوزون اوزادی یه تدقیق ایتشلر هیچ برمظم جهتی براقسزین درایه وروایه حکایه نک مصنع ومرتب اولدیغنی میدان علانیه چیقارمشلردر . دور مزده کی غرض کارلرک تسویلات ابلهه ییانه لری کی اسلامیت بدخواه لریده و قتیله بیکلرجه موضوع احادیث اختراع ایدرک اذهان ناسی تغلیط ایلدکری جمله یه معلومدر . یلان حوادث اویدیرمق هر دورک هر زمانک اک مزمن ومستولی برخسته لغیدر . مثلاً بوکون ارنوادقده کوچک بر حادته اولور . السنه ناسده اويله برطاقم اشکال آلیرکه حادته فاعلنک بیله کندندن شبهه لنه جکی کلیر . ایشه بوقیلدن اولهرق جمع احادیثه اعتنا اولندیغنی زمانلرده درلو درلو خرافه لر ، کونا کون اسرائیلیات مظهر رواج اولهرق یالکیز مسلماننه حصر موجودیت ایتش ، بتون نظریخی محاطی بولندیغنی مسائله قصر ایلش وبرانسانک یلان سویله جکینی اصلاح خاطر وخیالندن کچیرمامش سریردی صاف بعض علمامز بوروایات مصنعه یی اولدیغنی کی کتابلرینه - کچیرمشلر وبالنتیجه پک چوق حقائق خرافاته بوغمشلردر .

شان بشریتی تذلیل ایدر دیه شاهدلرک تزکیه سنه ، تحقیق احوالنه لزوم کورمیان محترم علمامز بر اسلامک پیغمبری نامه یلان سویلسنه شبهه سزکه اصلاح احتمال ویره مز . خیر القرونندن صکره یتیشان متأخرین علمامز بواقویل ومخترعات باطله نک بالآخره احفاد ایچون بر رفته منبجی ، برر دوشونجه مزلفه سی اوله جغنی محاکمه ایدرک هیچ اولماز ایسه احادیث صحیحه ایله موضوعه یی آیرمق لزومی تقدیر ایتشلر ، وبویولده پک بیوک همتلرده بولمشلردر که تاریخ اسلام بومساعی

رسالت‌پناه افندمن بوقبل روایتدن بری و منزهدر) طرزنده حسب‌حاله بولنیور. تفسیرلره کلنجه مفسرین کرامتک مطالعه‌لرینی بروجه آتی خلاصه نقل و ترجمه ایدیورز :

آلوسی مرحوم بومسئله‌یه دأر اوزون اوزادی‌یه بیان مطالعاتدن وروایات مصنعه‌یه ربط قلب ایلدیلره جابجا سهام تعریض حواله ایلدکن صکره دیورلرکه :

« بوحادثه‌نک وقوعه‌سه اصلاً احتمال ویریه من . پیغمبر افندمنک ملک ایلله شیطانی ، نور ایلله ظلمتی تفریقده شبهه‌یه دوشمسی اصلاً قبول اولنه من . دوشونملی‌زکه بوسوزلر معجز اولوب اولمامقدن خالی قاله‌مازلر . معجز ایسلر کلام‌الهی اولملری لازم کاور . زیرا بشقه‌سی ایرادینه مفت‌ر دکادر . معجز دکل ایسلر پیغمبر افندمن تفریق و تمیز بیوره جننرندن شاشیرمق احتمالی بولماز . بتون محققین بووقعه‌نک اصل و اساسی اولمادیغنی بیانده متفق بولنیور . بوذواتک علوم نقلیه‌ده‌کی تجرلرینی کیمسه‌انکارایندمن . عظیم برا کثرتک مطالعه‌سی تحقیقنی اهلال هیچ برزمان طوغری برحرکت صاییه من . شبهه‌سزکه بوذوات طرق روایتی تدقیق و تعمیق ایدرک روایتک مجروح اولدیننی آ کلام‌شردرکه بودرجه ، علینده بولنیورلر . اشبو روایتک آیات کریمه‌نک ظواهرینه اولان مخالفتی میدانده‌در . هیچ‌بری اصولی دائره‌سندنه ثابت اولمامشدر . بحث ایتدکلری آیت کریمه سوره حجه‌درکه مدینه‌در . بووقعه‌نک صحتنی قبولدن کرک رسالت‌پناه افندمنک و کرک صحابه کرامک سندلرجه اشبو عبارات مصنعه‌یی قرائت و قرآن اوله‌رق اعتقاد ایتش اولدقلرینی قبول لازم کاورکه شبهه‌سز بونی روایت ایدن بولنه جقدی حالبوکه بوبابده هیچ برروایت تصادف ایتیورز . برقاج آدمک اختراع ایتدیکی حکایه‌نک وجه صحتی بوله جغز دیواظواهر قرآنییه‌ی کافه تأویله قالدیشمنی جم غفیرک پک چوق تفحص نتیجه‌سی اوله‌رق عدم صحتنه قائل اولدقلری بر فکرک مدافعه‌سیله اوغراشمینی بی طرف بروجدان قابل دکل تجویزایده من . برده دوشونه‌لم که حقیقه بویه بروقه‌یه تحبث ایتش اولسه ایدی کتب سته‌ده بوکا دأر هیچ برروایت بولنیه جقمیدی ؟ وقعه‌نک غراتی حسب‌ایله شبهه‌سزکه چوق کیمسه‌نک نظر دقتی جاب ایده‌جکندن راییسی اوده منقطع صورتده برقاج ذاته‌می منحصر قاله جقدی ؟ بو کون صحاح المزه‌در . هانکیسندنه بویه برروایت تصادف ایدیورز الخ ... »

صدیق خان :

« بو روایتلرک هیچ بری تأید ایتماش و هیچ بر صورتلده اثبات ایدیله‌مامشدر . مع مافیه محققین شوعدم ثبوتی ودها طوغریسی بطلانی نظره آلمق‌سزین مدافعات عقایه و نقلیه‌ده بولنش‌لردر . [عقلی و نقلی پک چوق دلائل سرد ایتدکن صکره دوام‌ایله] بزار پیغمبر افندمندن اسناد متصل ایلله روایت ایدلش بوموضوعه بر حدیث بیلمیورز دیور . بی‌هی روایات مشروحه راویلرینک کافه مطعون ذواتدن بولندیغنی سویلیور امام رازی بویه باطل و موضوع بر حکایه‌یی سویله‌مک بیه جائز دکادر مطالعه‌سندنه بولنیور . خلاصه بو روایتلری تأیید

سلیم صاحبی بومصنع جمله‌لرک آهنگ‌سزلکنی درحال تفریق و تمیز ایدر بلاغت قرآنیه ، کلمات مبارکه‌ده‌کی آهنگ و انتظام نرده بوعادی سوزلرده‌کی انتظام‌سزلق ، آهنگ‌سزلک نرده (این‌الثری و الثریا) صاحب ورقه‌نک عربجه‌یه و قوفی آ کلاشیلیور . شو حواله کندیلرینه بر تجربه توصیه ایده‌لم :

(والنجم) سیزده‌سی جهراً او قویهرق و منات‌الثالثه الاخری آیت کریمه‌سه تردیفاً بوسوزلری قرائت ایتسوزلر درحال آهنگ و انتظامک و انسانی غشی ایدن اوسلاست و بلاغت خارق‌العاده‌نک بوزولدیغنی بالذات حس ایدرلر . بوسوزلر قرآندن ایسه‌فرآنک سرکله‌سندنه کوریلان بلاغت و فصاحت و اعجازدن نیچون محرومدلر بتون قرآنی مثانی ایتاندن عاجز براقه‌جق بر صورت بایغه‌ده وجوده‌کتیرن . معتزلر هر کیمی اعتقاد ایدیورلرسه . یالکیز بو ایکی جمله‌ده‌می اظهار عجز ایتمشدر . مسئله پک بدیهی‌در . روایتلرک اساسی آ کلاشلدقندن صکره اصولیونک قاعده‌سی قابل تطبیق اوله‌منز غرائقه و غرائق‌ده‌کی تنافر حروف دخی نظر دقتدن دور طو تلامیلدر قرآن عظیم الشانده غرائق کی متنافر الحروف هیچ برکله‌یه تصادف ایدلر .

هایدی حاشا بو عباره‌لری قرآندن فرض ایده‌لم . طبیی ایچون کوستریلان سبب و لزومی تسلیم ایتیز چونکه بوجمله‌لری علاوه‌صورتیه معنایی طوبلایه‌جق اولسه‌ق شیوه‌منه موافق اوله‌رق :

« لات وعزایی و منات دینیلان اوچنجیلرینی هانی شوو محترم طو تدیفکیز و شفاعت‌لرینی رجا ایلدیکیز بیاض بوتلری کورمدیکیزی » طرزنده بر معنا الدما ایتش اولورزکه بوندن تحرز و تحاشی‌یه سبب کوره‌میز . نقلاً برای استهزا مدحه تعلق ایدر کلماتک استعمال اولمنسندن معنای مدح چیقاریله من .

نته کیم مفسرلرمزده بونکته‌یه اشارت ایتلش‌لردر . همزه استفهام انکاریه‌در . مقام مقام توبیخ و تقریردر . آیتک مابعدیده اونی کوس‌تیزر کندی کندیکزه طاق‌دیفکیز بر طاق اسملردر فرمان الهیسی شرفوارد اولمقددر . بی‌هی حضر تلری بوقصه‌نک من جهة النقل ثابت اولمادیغنی تصریح ایدیور قاضی عیاض شقای شریفنده بوروایتلرک ندرجه‌لرده بی اساس اولدیغنی آ کلامق ایچون راویلری ایچنده سوزینک صحتی ثابت اولش هیچ برکیمسه‌نک بولمادیغنی شایان دقت و اهمیت اولان بومسئله‌ده تهنه‌دن هیچ برروایت موجود اولمادیغنی و بوروایتلری کتابلرینه قبول ایدنلرک صحیح و سقیمنه باقمق‌سزین تحف شیلری جمع هوسنده بولان ذواتدن عبارت بولندیغنی بیلمک کافیدر دیور . سیرت نبویه‌یی جمع ایدن مشهور امام محمد بن اسحق ، بتون امتک مظهر اعتمادی اولان بوذات محترم شو حکایه‌یی زندیق‌لرک موضوعاتندن اولمق اوزره کوستریور . و بوکا دأر مستقل برائر تألیف ایدیور . اعتقاده امامز اولان ابو منصور ماتریدی حضر تلری بوقصه‌یه عائد روایاتدن بحث ایدر ایکن (شیطان بوجمله‌لری حاشایغه‌بره دکل شیمدی بوزندیق حریفلر دسویلتیور حقیقی تربیه دینیه کوریه‌یان اذهان معصومه‌یی شبهه‌یه دوشوریور .

معاملر تعیین ایدلمکده اولسنک پک موقت برشی اولدینی آکلارلر . بو نواقص بالتدریج اصلاح وتلافی اولنه جقدر . دوشونملی یزکه عدلیه ناظری نجم الدین بک معارف ناظری امرالله افندی فوق البشر برخلوق اولمایوب بزم کبی انسانلردر . بنابرین بتون یولسزلقلری برآنده محو وازاله ایده جک ، هر فنانلی کوکندن استیصال ایله جک قوای قدسیه مالک دکلرلر . اتحاد و ترقی فرقه سیده ملکلردن شکل ایتمه شدر . وسعلری درجه سنده مملکتک سعادت حائنه چالشیورلر .

اجتهادلرلنده خطا ایدیورلر ، ملتی اضمحلاله سور وکلورلر ایسه استبداده بتون منابع حیاتیه سی سد و بند ایدیلان شو امت نجیبه نتیجه الامر نصل محافظه حقوقه موفق اولدیه بتون حقوقه صاحب بولندینی دور مشروطیتده بطریق الاولویه اشخاص معدوده نکل قربان جهلی اوله ماز . عکسکی صورامتی بلاهت وضلالت ایله اتمام ایتمکدرکه امت هیچ بر زمان ضلالت اوزرینه اجتماع ایتمز .

ترکلر جانلردن عزیز بیلدکلری دینلرینک لسانی او مرتبه معزز طوتارلرکه بومبارک لسانی کونده بش وقت عبادتلرلنده سوه سوه استعمال ایدرلر . خطبه لرینی ، تحیه لرینی ، نیتلرینی ، دعا لرینی هپ بولسان مبین ایله اجرایه چالشیورلر . اولاد عربدن بر ذات محترم کوردیلر می سوکیلی پیغمبرلرینک بتون خاطرات قدسیه سی قبلرینی تهزیزایدلر . نصل اکرام ایده جکلرینی نصل تطیب ایله جکلرینی شاشیرلر . الارینی اوپرلر ، قوقلارلر ، قوجاقلارلر ، سوه سود طول مدت اولرلنده مسافر ایدرلر . مقر خلافتده شرفایی باشلرلنده طاشیرلر . اعیان واکبردن مرکب هر هانکی بر محله شرفای کرامدن برینک نامی کچدیکی زمان بتون حضارده عمیق برحس احترام آناری کوریلور . شرفای محترمه دن بحث اولنور ایکن اثنای مصاحبه ده بیله (شریف حضرتلری) دیمکی اونوتمازلر . حالبوکه صوک درجه سودکلری حکمدارلری ایچون بیله (ذات شاهانه) دیمکله اکتفا ایدرلر . بوجزئیات بیله ترکلرک قلبنده عربلرک اشغال ایتدیکی موقع حرمت حقنده بر فکر ویره بیلور . بتون بواحوال میدانده طور و ب طور رکن « ترکلر عربجهی استخفاف ایدیورلر . حتی دونما جمعیتی بتون لسانلرده اعلانلر نشر ایتدیکی حالده عربجه لسانیله اعلان نشرینه تنزل ایتدی « دیمه نکل نه قدر انصاف سزجه بر اتمام اوله جفنگ تقدیرینی تعریض مقاله لر یازان ذواتک وجداننه برافیز . بویله بر اتمامه بولنمازدن اول هیچ اولماز ایسه بر کره بودونما جمعیتی تشکیل ایدن ذواتی اکلماق لازم ایدی . جمعیتک باشنده صلابت دینیله لریله مشتهر ایکی بیوک رکنی نظره آلق اقتضا ایدردی . زی ملی بی بیله دیکشیدیرمامش اولان یاغجی شفیق افندی ، اولاد عربدن محترم عبودافندی اونوتلاملیدی . بوذاتلر می دینلرینک لسانی استخفاف ایده جکلر ؟ ویا شعبه لرینک بویله بر فکر استخفاف طاشیمسنه مساعده ایله جکلر ؟ بوکون عربجه لسانی تحقیر واستخفاف دینی تحقیردر . دینی تحقیر واستخفاف ایسه معاذالله کفردر . بوکا هانکی اسلام قائل اولور . کیم ذهندن کچیره بیلور . بویله چوجقلقلری

ایدجک نه عقلی و نه نقلی بر دایل بولنمادیکی کبی رایسه اعتماد اولسان محققینک کافه سی بور وایتلرک علمینده بولنیور اساساً اشبو روایتلرک جمله سی مرسل ویا منقطع اولمقدن قورتلدقلری جهته اثبات مدعا یه ده دگری کورلمیور . نهقدن اوله رق روایت ایتمش بزبر ذات کوسترسونلر تدقیقه مستند تفسیرلرک هانکی سنی بوفکره مظاهر کور ییورلر ؟ کتابلرینه قبول ایدنلر هراشتکلر نی یازمق هوسنده بولسان بر طاقم مفسر ومورخلردر . روایتلرده کی اضطرانی سندلرده کی انقطاعی ، الفاظده کی اختلافی کیم انکار ایده بیلور . بودرجه ضعیفی بولان بر روایت نصل مدار محاکمه اولور . ابن عباسک تفسیرنده کی سندده کلکی نکل دخی اسمنه مصادف اولیورز . بوذاتک ضعیفی ایسه جمله یه معلومدر . دائماً موضوع حدیثلرک راویلری میاننده بواسمه تصادف اولنور . الخ ابن کثیر :

« بور وایتلری تدقیق ایتدم هیچ برینی وجه صحیح ایله مسند برحاله بولمادم تصادف ایتدیکم روایتلرک کافه سی مرسل بولنیوردی » دیور . سیوطی در مشورنده روایتلری عیناً آلیور فقط هیچ بری سند صحیح ایله متصل کورلمیور . نیسابوریده پک چوق ایضاحات ویرمکه برابر روایاتک عدم صحتی فکرنده در . مابعدی وار

بیروت جرائر اسلامیه

بیروتده انتشار ایدن (نفید) و (رأی العام) رفیقلر مزده مشهوردن اولان بعض مطالعاتدن متأثر اولماق دیر ایسه ک حقیقتی کتم ایتمش اولورز . مشروطیتک یوم اعلانندن بری امت اسلامیه بوسعادت چوق کورن بعض غرض کارلر اذهان صافییه بولاندیرمغه واسلامیتک کوکندن باطله لدینی قومیت فکرلرینی ، تفرقه شجره خبیثه سی یکیدن غرسه باشلادیلر . دیندار محیطلرده بو تسویلات ومبدعات ثمره بخش اولمامش ایسه ده علمامزک همسزلکنه ، غیرتسزلکنه انضمام ایدن عمای استبداد نتیجه سی اوله رق صوک بطند ، یتیشان کنجلر مزده تحسینات دینه لایق اولدینی مجلایی بوله مدیفندن بوید بختانغه اوغرایان بعض شبان عربک بر طاقم اغراض سفیله نکل تطمینی ایچون تدریجاً تسمیم ایدلمکده اولدینی رفیقلر مزک بوشریاتی نظرلر مزده تمامیه اثبات ایلشدر . ایشته بوتسمیم نتیجه سی اوله رق کویا ترکلر ؛ شخصلریله بیله تبرک ایلدکلری قوم نجیب عربک حقوقی هضم (۱) ایتک داعیه سنده بولندقلری فکری ایلری سورلمکده واحوال غیر مستقره انقلابیه طولایسیله تگون ایدن بعض حادثات موقته ثبوت مدعا یه دایل اوله رق کوسترلمکده در .

حالبوکه نافذ نظرلر مرضی عمومییه مخالف حالانک دور مشروطیتده دائماً زواله محکوم بولدیغنی تقدیر ایدرک مثلاً عدلیه نظارتنک لسان عربیه واقف اولیام حکام ومأمورینی بلاد عربیه کوندرمکده ومعارف نظارتجه ولایات عربیه ده قواعد عربیه معلماکلرینه غوامض لسانییه درک وتمیزدن بی بهره بر طاقم ترک